

ke' na Plngawan

pasaring cu masutuw babuw na raxal ga, utux ki nanak ka pinungan mu
ka ke', ke' na Plngawan. matarahri' min nak makakaral ci ke' pinnoh cika
yayan min, ana' nabkis ana' cami' macsuse' utux nanak ka papungan lu
kakaral min nanu musa papasba'an ci ke' ,musa cubay papasa'an ci ke' laga.
patahlun min pasba' ci ke' na Taluw la.ini' surali' pakakaral ci ke' na
Plngawan la.

pasba'an mini' ci ke' na Taluw ni sinsi , mingaga' ga rarihung min
carug sababa'an, maku' min nak mahmut kumaral lu mapapase' min ci
kinramas min, amol ka sun ㄅㄆㄇㄋ as min se' po po mo mo, ini min
capang maktatu'uy. manangarux ka sinsi min uri, ini su puse' tunux ga,
silayun min na na'ari' karirex, maku min nak ini pa'as musa lunpuw ci patas
tinlaman mangungu' ci babahiy na sinsi ka ruma' intana'an min.moka' ini
awah papasba'an ci ke' ga, halan malahang na sinsi morow uri, yona te'ung
musa' kunrak ci gilung ka sinsi, ana su nak musa' tala'ing inu', inlarangun
sini' mulu' lu, rasun sini papasba'an ci ke', ba' ka nabkis luri' ga, tongan
sumiliy i magiy morow luri', kani ga, mararing nak ini carung sakisli musa'
ka ule' la. pakalu' ci sinsi Taluw ga, sunmamuhul carung ci tunux, i, ini'

ba'iy carung mung ka ke' ni kaca la. maku' nak mapapalak mase' i ini'

ba'iy carung pacacungus ka kinaral na sinsi, ini nak ba'iy sasunno' cumik
uri, maku' nak yona ngangah samamalux matatama' ki.

ramas la i yaba' min hari' la, ba' min matox ci patas na Taluw la, ba'un
hari' pacacungus ka kinaral na sinsi laha ci pinatas na patas la, maki'
papasba'an ci ke' ga, ini' min surali' pakakaral ci ke' na Plngawan na sinsi,
pungan kumaral ci ke' na Plngawan ga, halan panarit sinsi na caxa' laga,
kasangun, arat ga patikalon macaruw sipaktox ci intana'an, yona
sipakasarux cyuwlen maha' “ini' kaba' ci ke' na Taluw kani”, ga,
matinlahbun min nak hari' makakaral maki' papasba'an ci ke', angungu'
min patikrak ci ke' na Plngawan i ma'as min carung mapatisal. micuw laga,
ini' pintana' carung la, ini' kaba' ci ke'na Pingwan ka ule' micuw la, as ki
ka musa' papasba' sinsi, ana umixul pasba' ka sinsi ga, ini' hura'i'pasba' la.

(文章大意 僅供參考) ※字數限 200 字

族語今昔

從一出生，母語就是我們唯一的語言，直到上小學之前所聽所說的就只有它。

當面臨從未接觸的語言時，我們十分抗拒，加上老師又非常嚴格，更加對於上學興致缺缺。有的同學會因此不願意來上學，但老師總像老鷹捉小雞般的捉回學校上課。在學校被禁止說族語，如果不小心說出族語，下課就只好去罰站。今非昔比，現在的新生代已經不再說流利的族語了，族語只能搬到課堂上去，失去了族語學習最佳的場域，孩子又怎麼能完整的學習自己的語言？